

37

tiones viventis, eas in quam, quas vocant immanentes, intelligere namque & velle Philosophi appellant vivere, cum igitur nomen vita simul significet ipsum esse durationemque viventis, & ipsius actiones, ut significaretur quod est verè eternum, id non modo secundum esse, sed etiam secundum actiones ejus immanentes, eternum esse; ideo in definitione eternitatis positum est vita potius quam esse aut durationis, (tota simul) tempus nulla in parte quantumvis parva, est totum simul; instans solum est totum simul, cum sit indivisible, verum hoc nec est tempus, aut pars temporis, nec manet nisi uno momento: Eternitas autem est tota simul, qua in re distinguitur à tempore, & semper eadem manet, qua ratione differt ab instanti temporis; quam ob rem recte solet vocari eternitas, unum nunc stans, nunc quia indivisible ac totum simul; stans, quia manens & durans; tribuimus aut eternitati dies & annos, præteritum, præsens & futurum propter modum nostrum intelligendi, nos enim non apprehendimus simplicia, nisi per composita, nec intelligibilia & spiritualia, nisi per sensibilia, & corporalia, nec deniq; eterna, nisi per temporalia: sicut autem intelligimus, ita nominamus, non igitur mirum est, si eternitate exprimamus vocabulis summis ex tempore, eiq; assignemus differentias temporis. Eternitas enim eminenter continet omnem durationem temporis & coëxistit omnibus differentiis temporum. Sed quid est eminenter continere durationem temporis? nempe durationem, quam habet tempus imperfecto modo h. est sine ulla permanentia, & cum perpetua successione præteriti, præsenti & futuri, eam durationem habet eternitas perfectissimo modo, h. est totum simul sine ulla innovatione ejus aut variatione. Perfecta hoc additur, vel ad differentiam ipsius nunc temporis, quod quidem est totum simul, sed cum puncto tantum temporis maneat, habet imperfectam admodum durationem; vel ad differentias eorum quae sunt in aeo; cujusmodi sunt Angeli, qui habent imperfectam immutabilitatem & permanentiam, nimirum tantummodo secundum esse, non autem secundum naturales operationes. Possessio ad significandam immutabilitatem & indeficientiam eternitatis positum est vocabulum possessoris, quia quod possidetur firmiter ac quiete tenetur. Hæc Pererius habet, quæ omnia ad verbum huc apponere nulli dubitavimus, cum multa sobrie & convenienter dicta in sece contineant.

Th. 4. Franciscus Svarez in disp. Metap. 50. secc. 3. §. 6. ào
data expositione non nihil recedit, & se sequenti ratione expe
dire.